

廣雁蕩山誌卷十八

藝文 詩一

五言古詩

過雁山

宋 王十朋 樂清人

雁山五經眼茲行尤可觀初冬天氣佳雁歸山未寒有  
日照幽谷無雲翳層巒入境見常雲振衣登馬鞍瀑泉  
飛玉龍羽旗導翔鸞石柱屹天外卓筆書雲端靈峰觀  
石室杖屐穿巖岈山禽知我來好音若相歡羣峰列春  
笋丹青狀尤難行色愧怱怱更約他時看

廣雁蕩山誌

卷十八

藝文 詩

雁蕩山

杜 範 黃巖人

東南富山水傑氣鍾雁峰巨靈排巖屨妙力開鴻濛斷  
崖據險絕峭壁凌寒空分岑獻萬狀轉盼無一同或疊  
如錦纈或鑄如青銅或前如舞鳳或却如飛鴻或狀如  
卧虎或矯如遊龍竝如兄語弟差如兒對翁銳如筆脫  
穎岐如剪開鋒三湫分大小二靈儼西東古語聊近似  
天巧難形容我久埋塵埃幸此拔天風應接費耳目魄  
磊羅心胸有僧本儒家伴我追雲蹤攀躋不知勞指引  
殊未窮胡然便語別問之以涕從為渠遊興盡生我歸

意濃出計何草草回途復忽忽遂此未了緣邂逅須有  
逢

遊雁山寄懷二弟

翁敏之

樂清人

依棲崇儒里咫尺鳥名山奈以紅塵隔因之舉步艱穿  
花曉漏徹何如桑者閑廿載爲形役今得拂衣還自酌  
龍湫水照映鬢毛斑山靈應謂我對之發赧顏題彼雙  
脊令飲啄就清灣

送林彥清歸永嘉

元柯九思

仙居人

雁蕩卽銀漢翠湧生高寒芙蓉散秋景飛落秋雲端憶

廣雁蕩山誌

卷十八

藝文詩

二

共造絕頂天濶路漫漫遙憶廣寒殿素娥正憑欄白兔  
持月魄指顧成神丹因招宋成公吹簫乘紫鸞俯視九  
萬里元氣清團團別來知幾時弱水如平灘忽遇雁山  
客霞珮青蓮冠還入雁山去玉髓供晨餐報我舊遊者  
久待凌烟巒吾患爲有身南望空長嘆

觀龍鼻天柱贈欽上人

李孝光

樂清人

天根盤海底大浪春其南衆山盡萌芽迸出碧玉簪濤  
波蝕之半玲瓏兀空籠其陰生玕琪其陽產梗楠絕頂  
逼大白纔可一劔函銀河從天來白鳳毛毵毵魚龍撼

不醒醉如卧箔蠶其中黑無底銅杖不可探一綫出山  
腹牛乳清而甘清寒漱草木日出香醅醅雲霧忽捲去  
玉氣射紫嵐千峰碧茵蒼春霞散紅酣或黝如蒼壁或  
青如接藍或樹旗杠一或覆鼎足三或挾如怒猊或呀  
如洪蚶或如馬奔蹏或如虎視眈聳者如樓觀窳者如  
罌甌仰者如箕踞俯者如負擔或螺髻紺目儼雅如瞿  
曇或龐肩鯨背偃僂如老聃矯如天女戲卑如童子叅  
萬鬼苦斲削天巧未易談招提十八寺過者常稅驂中  
有天人師久卧老柏菴法界如塵沙一一毫端含長風  
廣雁蕩山誌 卷十八 藝文 詩 三

雁蕩山

明黃淮  
永嘉人

笑新詩出長綫明朝芙蓉路惟聽霜鐘韻

端居困沉鬱薄遊暢幽懷雁蕩夙所慕素志今始諧陟  
境思已清歷覽萬象該屹如錦屏列粲若青蓮開一柱  
擎天起日月相往回羣峰走其下聯絡羅嬰孩誰提并  
州剪越羅不可裁誰立趙壁幟勁氣那能推王女跨雙  
鸞昂身紫霞堆邀我縮卓筆灑墨題蒼崖石梁險莫測

飛虹架迴溪側足難徑度佇立空徘徊或云神斧運剡  
削搜坤倪或云洪濤湧衝激遺筋骸詭狀欲窮詰妄執  
成疑猜龍湫洩嵌竇跳珠散瓊玖飄然隨長風雲霧排  
空來詎那清淨觀跣趺據崇臺佛刹十有八廢址滋蒿  
萊存者僅六七甲乙次第排能仁據其會金壁輝璇題  
鐘梵遠相答緇流互相攜追尋謝公跡陟嶺登崔嵬摩  
挲舊碑碣殘缺湮莓苔懷賢發清嘯驚起猿聲哀更欲  
尋雁湖肩輿捲攀躋從遊諸君子秀拔皆英才主席二  
老禪法相真獅狓欸留動洽旬展席傾尊壘廣和鑑金  
廣雁蕩山誌 卷十八 藝文 詩 四

廣雁蕩山誌

卷十八

藝文 詩

四

石談笑驅風雷懸車絕塵想此樂信悠哉採芝與斲苓  
聖訓近可稽維昔李謫仙名與廬山齊覽勝發豪句曠  
達真吾儕人生百年內弱草棲纖埃題詩紀歲月重遊  
能幾回

雁山夜坐

趙廷松 樂清人

朝搴苑中蘭畏彼霜下歇宵吟謝公詩清歌達明發節  
換心屢驚年徂變元髮溪水鳴巖瀨涼風響林樾澗戶  
映疎星石梁橫天闕空虛宜留人光景坐超忽美人竟  
不來西林照殘月

雁山

方名  
樂清人

雁山高插天形勝冠甌越老翠盤崆峒靈籟發湫樾落  
日愁棲猿秋空碍飛鶻望望令人憐浩歌石山岵

送葉澄遊雁山還金陵兼呈喬大司馬

顧璘  
吳縣人

泛覽名山圖雁蕩天下奇天吳舉蓬島亂擲滄海湄  
巉岉老蛟脊佶曲蟠桃枝攢峰蔽青冥星斗晝陸離靈湫  
倒銀漢六月飛寒澌仙人隱洞府玉簡靈文垂白石充  
餽糧紫芝可療飢鳳笙乍縹緲鶴架時逶迤綠髓苟未

廣雁蕩山誌

卷十八 藝文 詩

五

變丹梯詎能窺葉子道者流風稟烟霞姿去年遊武當  
未愜心所期今春策短杖直往了無疑天台逢高僧拍  
手欣相持遡流問桃源探穴尋仇池俯瞰不測淵仰攀  
萬仞危端坐天柱峰要觀日出時扶桑射東影照見蒼  
龍鬢太湖僅一勺匡廬忽平夷呼酒酬蒼梧鳳鳥來何  
遲浩浩浙江濤伍胥今爲誰桃花落已盡芳草含碧滋  
啼鴛勸客飲正與烟光宜滿舉白玉斗吞却東南陸坐  
覺方寸間雲嶠相撐摺歸來回風亭日光如玻璃硯磊  
作奇畫琳琅吐新辭顛倒雷霆走蒼茫神怪悲十日說

不輟齒頰生涼颺四座煩鬱散聽者俱忘疲靈秘自此  
洩海若安能私還拜大司馬請陳賤子詩定知嶮岨勢  
縱橫列階墀迢遙金銀闕夢覺如見之謝客休挂席孫  
公應解頤何必舉五嶽高下論等差至樂有同好難與  
俗子知

北雁步虛詞

鄭善夫

福州人

昔我夢翼飛去與王子親雙雙鸞鳳蕭吹破緱山雲翻  
身大火坑洗髓明河津鼎然馭白鹿下宴瑤池春枉駕  
雁蕩陰元冥閉天闔醉掃千丈石萬劫留至文只今靈  
廣雁蕩山誌卷十八 藝文 詩 六

峰洞元氣猶氤氳悲歌草木偃坐嘯天地聞歸來鏡光  
彩大隱金馬門君看東方生至人伏垢氛詎那不了道  
一壑空云云

遊雁蕩山

高攀龍

無為州人

昔我愛邱山名勝在夢想去去三十年塵事空鞅掌茲  
遊愜始願千里遂獨往望山屢馳騫入谷轉疑恍仰觀  
秋瀑飛俯聽潭流響陽崖峙雄突陰洞藏竒敞幽尋碧  
澗底遐矚紫霄上春風蕩輕陰百里見開朗丹青未可  
圖翰墨誰能髣髴身願止托回音空悵快勝地古今存

浮生俄頃賞安得結茅廬於此日偃仰

自丹芳嶺至能仁寺

何白

永嘉人

疊嶺疲攀緣逶迤歷幽緬屢憇及層巔遊觀稍忘遠  
盡險乍窮路仄林初轉碧澗疏寒流風篁媚清淺紫茸  
蔚蒲渚芳蕤冒蘭阪深徑已夕霏懸崖猶薄暎迴合敞  
精藍中峰抗高館微鐘度遙岑游雲互舒卷列廡休人  
徒夕憇聊棲偃夢與幽趣通情隨物慮遣汗漫極茲遊  
靈區詎能限

同吳翁晉邵少文自靈峰道中至響巖

廣雁蕩山誌

卷十八

藝文 詩

七

崇巘積殘雨霽氛翳元陰爽氣協真想惠風寫靈襟羣  
峭遞隱見晨曦蕩陽林合沓兩崖闢路窅青谿深巖傾  
響易發雲扁納虛音嘯侶應嘒狻呼雌答翔禽複嶂鬱  
衆籟迴飈薄蕭森高情豈孤賞行跡欣同尋資此足嘉  
遯達生多所欽願持乘日車冀獲靜者心一發蘓門嘯  
載鼓邱中琴

同似菴禪伯尋淨名寺故址地有水簾谷初月洞  
之勝

雙林久寂茂風泉闕靈跡靈跡能娛人屢枉紫烟客開

士邁前征披榛理晨策故術偃崩梁新溪擁危石泠泠  
灌木吟灑灑清流激寒蕪立竇幢遺基卧甌甌陵緬旣  
以深忘疲亦云適斷峽束長天輕霄覆青壁崖崿限馳  
輝光傾景先夕陰洞汜飛泉澗潭漱靈液水碧信可舉  
瓊葢紛堪摘心契神已超目盡意難極感往結深情卽  
事交欣憾行當復來茲一振東林席

自響巖道中至靈峰洞

停午命籃輿衆木陰修修連山自暎帶迤邐趨平疇側  
徑窈深入秀色相繡糾天虧萬峰影雲爭千澗流歆石

廣雁蕩山誌

卷十八

藝文 詩

八

攬文豹神淵駭潛蚪洞腹縮壺嶺雲杪開崑邱捫葛躡  
霧術罅乳風瀏瀏天竇夜闕日金光結飛樓瀑泉夏吹  
霰丹溜湧靈湫窺臨極遐想愉悅聊淹留至樂豈虛假  
冥心寧外求雖非獨往客言忘難爲酬願附息陰旨將  
從鸞鶴遊

登雁山

周應治

寧波人

巨靈妙真宰混沌鑿幽嶠鬱鬱千芙蓉爭先獻奇巧老  
僧踞雲中玉女跨天表詭石紛難名琪樹森且裊緬懷  
王謝蹤遊日縱飛眺振錫躡層巔策杖窮窈窕石門隱



烟林靈峯插縹緲白雁飛不歸蒼虬卧青宵怪哉雙龍  
湫噴沫微昏曉灑氣包八荒幻跡凌三島趺坐觀元始  
塵世總微渺便當揖浮邱抗身駕天矯

由芙蓉村歷四十九盤抵能仁寺

吳稼登

孝豐人

弱齡覽圖經名山勤夢寐於役非有期茲遊適已遂候  
當朱夏移風挾新暑退樵徑歷荒榛烟林牽密翠修甍  
阻近目連岡引遙睇逶迤互千轉險絕突萬會援蘿豈  
勝陟就石屨成憇仰嶠情更怡俯壑神亦悸篁鳴驟疑  
雨雲結杳如晦殘陽隱叢薄古苔合淨地朱刹構頽圯  
廣雁蕩山誌

卷十八

藝文 詩

九

閒房入蕪穢誰營塵外觀聊割區中累

度馬鞍嶺探靈巖

懸磴阻參錯峻嶺何連綿連綿不可窮仰陟若攀天草  
根結飛霞樹杪溜哀泉俯從烟嵐中藹藹見平阡來奇  
信已襲去美惜不延崇構何嶮峭列障相迴環巨石峙  
千級荒藤蔓百年霞障色雜組旗峰勢孤拳栢柏蔭廣  
谷猿狖驚層巖冥搜駭精魂竄入谿筍間先日忽趨瞑

惘惘言歸旋

紀遊

陳子輝

臨海

雁蕩吾家山未向雁湖宿龍湫五千仞振衣兼濯足捫  
蘿陟其巔星辰大如菽深巘寂無人所見皆麋鹿雲外  
與白雲當年結茅屋我欲從之遊伊人已空谷

雁蕩山行

飲泉必飲深采山須采僻卓哉雁蕩山羣峰劃天碧尤  
憐真濟西巖洞絕游策天地闊不開衆靈所窟宅水或  
珠而簾洞或月而魄或爲蟠桃歌或爲石門窄五峰迴  
驪鬪去天不盈尺怪石儼僧趺猶然面枯壁壽藤粗於  
柱倒挂雲中石裋褐碎棘芒崩湍亂溪跡躋攀極峻厓  
廣雁蕩山誌 卷十八 藝文 詩 十  
尻膝遞相易不知精力疲未欲負茲役寄言後來者命  
此山中展

雁山

國朝 蔣 壇 晉陵人

恍惚入雲路置身霄漢間冥鴻杳無際鳥道絕人攀安  
得振羽翼飛去旋復還巨靈闢繡谷峭壁儼仙班聽詩  
傾石叟天女散烟鬟塵襟頓欲洗荆莽力爲刪孤鶴凌  
霞峻雙鳥伴石間東南奇勝處應獨占各山

山行咏遠望多衆容卽之無異色句偶就所見易

之

李象坤 樂清人

秋深天意肅旭日初升東羣嶂礙晨暉黝色插晴空久之日光散逐處發矇矓行行翠漸微乃辨樟與楓石土各有質鬱鬱千尺松山隈露茅簷四隩竹蒙茸遠望無異色卽之多衆容

乾隆丁未十月二十八日由黃巖至樂清取道雁

蕩山中絕所過九首

朱珪 大興人

輿轡首東甌假道闕北宕曉度大荆溪已獲面勢創陵  
緬虛筋竹熊魚失兼餉 此路不過筋竹嶺 西行入山幽峰峰鑿

天匠闢然老僧巖由句不可量如何造化巧搏壚肖背

廣雁蕩山誌 卷十八 藝文 詩

十一

向喟焉思媯媯誰探無上上

竹徑何窳窳洞府藏崆峒俯穿綠雲入仰覲虹梁扛漏  
天延虛白滲潤微琤淙三冬龍雷燠九夏跋烏降同游  
盡先發窅默空谷堊出梁暫眄睐玉筋遙映窓發軔勝  
已絕獨攬誰能雙 石梁洞同人未游

陟磴百盤益峻嶺猶名謝靈山首懸車奚啻小白霸此  
嶺司外鍵重扃闕妖姦目成萬娥眉心蕩藐姑射初聞  
洞屋竒地胛通天罅努力試攀登中慄危上下彭鏗悔  
鑿井退之欲泣華喘噫躋其嶺鍊骨吁可化雷滴響沸

羹醒耳美回蔗出門雙玉峰憐我送且逐

行行飯招提餐霞已素飽空誇腰腳輕我嗟筋力老乘  
軒豈胎仙芻豢迷瑤草散步鍊壙間線天劃半杲鳴笳  
叶黃鐘磬欵答鏗考淹留意何如發興極壺島

靈巖更幽邃羣峰爭開張芙蓉展翠旗鸞鳳交翹翔僧  
拜石佝僂叟聽詩鏗鏘竒觀姑舍是走瞰龍身藏蜿蜒  
青石虬爪伏於菟僵鼻乳左右注呼吸通天漿噓爲五  
色雲灑潤千里疆頗疑無極翁金汞鍊玉房憮然三嘆  
息我欲叩李莊

廣雁蕩山誌

卷十八 藝文 詩

十一

靈境只烏道人力劔天蹊捉生飛虎脊鞵鞞加馱馱欽  
竒馬鞍嶺直上不可梯估偃鱗蛇虺齟齬角食廳橫巨  
作闕壯左右羣峰低及下如縞井仰視日轂西攀桂難  
久留觀霄愧醢雞

傳聞雁峰池百頃平如鏡渟淤湖退孺鰕蛤或潛泳泥  
丸萬仞巔倒吸尾閭淨又聞大小湫散瀑垂天負玉蛻  
飲銀河醉舞珠霧迸帝閭下晶簾搖曳練輓靚竒蹤未  
及觀翹首心怲怲

經過憩蕭寺我友亦已僧流覽百斛金檀施皇祐開古

野牛淪沒金地空蒿萊四十九盤峻百折旋蝘蝓飛錫  
羨白足放鹿慙青鞵夕陽出嵐翠遠映芙蓉街回首大  
士峰突兀高蓮臺

我非康樂癖亦遜知章狂採風遍甌閩過眼不復詳衡  
嶽瞰雲海岱頂升扶桑名山入肺腑魂夢猶清涼茲游  
喻過駟仰愧高鴻翔同行多傑彥奇險爭頡頏長歌匹  
南山尤畏千頃黃鉛山曾孝廉佩蓮侯官鄭孝廉振圖  
詩俱佳當塗黃明經鉞用南山詩韻  
更健那無見獵喜刻鵠墓毫芒

雁蕩紀遊

黃鉞當塗人

廣雁蕩山誌

卷十八

藝文 詩

三

萬生局方隅遐矚止園囿神山在海上夢寐誰聞究風  
聞雁宕奇造化未我授路想祥符通鑿笑靈運漏操杖  
從勝遊周歲蓄奇觀先期神骨清閉目靈異溟海嶠發  
清暉巖壑堆錦繡青排千仞高朱殷萬林透升冢闢重  
霏入坎走叢茂有崖盡若牆無山不爲岫臨海路漸辭  
永嘉道新就籃輿隨星軺三五簇心嚼浮陽暖春和豐  
條擢冬秀行行大荆溪漣淪醉清酌前塗忽羣譁林壑  
發奇覆耳目失舊規天地騁靈構老僧拱而迎僵立頗  
不瘦得毋諾詎那來閱古今宙謝公足未經茲嶺誰剗

鏤蹠踟造其巔那復辨周表始知山靈意以此爲門候  
遮留閒峰巒不令烟雲遮陰陽互裏妊拘絞中宮戊俛  
首重厓間狹道蛇赴竇泉流瀉琤瑀烏下暗激激萬籟  
寂無謹一洗塵雜糅維時山多陰是日晴未晝紋粗斧  
乍劈皴細麻始漚羣攢路斷樵孤聳鳴絕狄趾交勢欲  
奔弁側立不仆剗刻般倕慙煊染荆關陋大造鍾至靈  
孕育示博富有如至咸陽府庫將爭走貪婪誰肯廉看  
殺不相宥又如入五都眩眊珍寶售罔知目力勞但乞  
腰脚祐險追狙公游狂判野老詬後升睇前降緩緩沈

廣雁蕩山誌

卷十八

藝文

詩

十四

空蹙踐實定心神蹈虛增恟愁因緣飯古剗知新頓忘  
舊蒼黃不敢飽陳迹踏且又靈洞失竒峰陰巖緩窺音  
二者不得兼心兵自相寇得匪蕉鹿迷失可桑榆救循  
途復故道急若離待轂十步作五奔竒功乃膚奏兩峰  
竝插雲雙南金不買鳳凰入雞羣五老何邈迥俯登料  
足庭仰矚先去聲怕脰就險羞懷夷擊清頓豁督海水倏  
下垂玉柱冰去聲雙溜劃然中開呀綻補待鉞復分寸力  
躋攀擁披勞左右腹鏗殼旋羸頂圓冒懸胃褫衣濯汗  
流解鞵散足臭乃得補斯遊所願竟克副山丁曳輿飛

騰擲學鼉鼉埃甃眩無光漫空鱗甲皺神龍罷爲霖厭  
棄有淵鬪萬古攫蒼巖心死雉震雉鼻孔涓滴流那得  
四海湊摩掌未移時促去何大驟青旗前載揚玉屏後  
擁佑天鞭未肯停孰爲龍婦灸斷碑仙所書糾屈文類  
籀題名徧宋元姓字波磔逗就中見沈括講學勤筆耨  
委曲狀茲山幽探費訪購通人談微中根據鮮誼譎我  
昔寫遺書有聞自孩幼竊疑蕩宕文錯出有譌謬說文  
出河內蕩陰宥過也一日洞屋音義迥別當以宕爲是  
區區較音義毋乃鄙訥蕩水惜無西域書誰問蓮花樞又聞雁宕峰峰所相桓若

廣雁蕩山誌

卷十八

藝文詩

五

扶拔獅子特立長百獸巖八峰百二神異邁靈鷲唐暨

五代宋權輿辨先後攀援到康樂觀瀑亦曾留謝公觀瀑詩究

是爲匡廬作猶集中兩石門詩輒致舛誤也何異怨耦仇強合爲姻媾龍湫

更大觀此領彼實袖得少意自多捨須竟不狩索然棄

南行遂爾趣北首譬彼忍朝飢金鈍炊不餽譬彼汲邱

井瓶墮繡不收翻然強自寬筭豈無虛殼不聞山有木

一樵盡歸櫛不聞卦呈爻九筮盡符繇萬事留贏餘陽

消戒在姤獲觀二洞奇已非因想達底須探海源必欲

泛星宿菜傭乃求多天

瓊琇回首憶家居坐井城中雷三反在一隅毋爲寸光  
粗指途下九盤神虛氣亦懋昏黃望芙蓉巖谷互膚輾  
錦牀營一飽酒盞疊相俯沸耳尚泉聲飽飢而愈疾卽  
今滌腸胃日讀遊仙呪移居就諸謝謝公嶺東  
多謝姓先遣一  
椽儻沈飲石泉香果腹山花嗅詩成行自歌全了或報  
爾

雁宕紀遊六十三韻

曾佩蓮鉛山人

長發從大荆筍輿入烟霧行行老僧巖何年佛頂露兀  
然立枯僧項背一一具延緣行漸高徒僕情頗怖麻鞋

廣雁蕩山誌

卷十八

藝文詩

六

幽脩蛇一磴一躍步我聞康樂公夙結山水慕絕鑿窮  
險幽登陟絕攀附展齒茲未經嶺名得毋誤面嶺峰狹  
猶摩空不知數洞壑豁豁訝崖岬森糾摺漣沌窟雕鑿  
洪濛氣布濩靈旛滿雲直初地諸天護金碧積暗塵風  
日媚晴樹延眺同孤僧緩步欵石路移時主客會奇險  
述未遇頗疑靈境慳翻令游伴妬有若獲異書投篋棄  
弗顧又如值良朋交臂失不晤僧厨蒼蔔香罷食去脫  
兔會食淨名寺後至者狀  
雷峯之奇乃獲補游驚纏跡踏陳瞬目觀改故石  
丈迎僂仙翩墮雜鴛巖拆洞忽開石落勢猶忿往往



壓人頂驚汗浼衣絳石磴曲幾盤虬行悸欲仆中道屢  
憇休層巔闕堂乍靈曜馭不到陰竇泉迸注真成佛淨  
域縹緲慈雲度運斤自神匠蹕足飽險趣奇如搜異珍  
快比愈沉痼捨去及前旌追躡穿芒屨前奇人怵先後  
險趾迤屬雲氣肆蕩滴日光遠錯互飛龍何衙衙鬱律  
勢奔赴涓滴從鼻端飛灑作霖霖題名多宋元苔蘚蝕  
字向古人遞烟冷摩挲聊少住五里踰馬鞍石骨佛像  
塑似憫行路艱慈航不能渡陟嶺累棋危下谷入窶懼  
心俯尻益高肌痒舌欲吐夙聞龍湫奇夢落雁宕屢南

廣雁蕩山誌

卷十八 藝文 詩

七

行險未窮西下日將暮松門優曇香蘭剎輿馬駐窟宅  
祥符通金盃皇祐鑄更踰嶺屈盤遑矜足馳騫顧盼見  
芙蓉微茫辨村戍田畝區溝塍野列儼碁布履地輕如  
雲霄漢下鶴鷺前路試迴眸詰曲挂帛素奇峰尚隱見  
倅魄稍安借頗疑奧皋區仙靈所棲寓周穆及漢武八  
荒徧鸞輅神鍵靈異闕天根鎖鈕錮何怪山海經掛漏  
不能註游蹤冠平生吟興忘困苦層巒蕩心胸禿管急  
追捕失記八九遺刻畫山靈汗供養宜烟霞兒女畢嫁  
娶意取山林娛謀脫塵世務緇素同嘯歌橡栝足啜哺

此願頗自蓄仙源孰與付半生疲筋力萬事感迤迤鐘  
磬隔上方夢寐發清悟

雁宕紀遊

鄭振圖侯官人

齋邀過靈山未至先肅拜山僧俛然迎延佇久曝背行  
行謝公嶺木末露衆髻流觀心覺異拾級足屢蹶不知  
幾幽深但見竹與檜谷窮峰突出貽愕呼去聲朋輩禪老

疾告余

無錫朱蓮  
峯延鑄

上有諸天界虎頭無停筇

太倉顧雲  
亭張思

惠休猶緩帶

武進湯狷  
菴脩業

前招立雪翁

霞浦游夢  
園光纘

顧我力

已憊千盤出地底一霎躡雲外迺知巖方中別有須彌

廣雁蕩山誌

卷十八

藝文 詩

六

芥誰封巨靈腹宅此觀自在量初十笏寬坐覺四筵礙  
周阿堆積鐵壁立復垂蓋仙留懸磬廩地獻玲瓏肺當  
時十日出來此足避世上漏功德泉想接星河派嬾姍  
求一勺治我十年噫同人牛喘息語羨風腋快未及石  
梁遊衆志頗帶介時失遊  
石梁洞分無終焉計去且攬其槩下  
趁如犇車欲駢驚趾敗謹脰與積沮相視非一態言辭

靈芝峰前覓精廬憇

淨名寺

有僧如驚鹿迎語旁四睽良

延淪佳茗盛舉薦精粹伏牛竝騫鷹名號立頗怪招邀

鐵嶂遊石色黯古黛僕童愛響富放意爲磬效老鶴磔

然起山鬼闕走避徘徊去未忍詩叟招我來路紆如脩  
蛇循尾與首會山深如秘府寶器森其內繡屏拂翠旗  
雙鸞屹相對駸駸天柱高上有紫氣靄遐哉面壁公歷  
劫身不壞會當石出語翻水會千偈或云天池龍雄鷲  
不可制上真名夸娥飛峽爲柵械至今九九鱗未免長  
薜荔迴頭俯幽壑潯然猶出涕聞言再接厲有勝期必  
濟丈步尺告休衷汗及踝漬聯臂學猿引駢行勿計擠  
側身把龍準取水洗眼翳定知垂老後天燭光無際摹  
巖覽剏刻褊逼無巨製須臾登頓蘇回顧有餘悸升輿  
廣雁蕩山誌 卷十八 藝文 詩 七

村二勝嵩少雙室儼欲過大龍湫顏景嗤射弄鞍嶺石  
峒堯雁池水容裔延緣五十盤疲羸閔徒隸胸中富邱

壑放眼覓所配南北萬里塗東嶽形久佩圖於庚子二月登岱謁

來得佳處衆馬覺無害何須學郭文已足傲謝大但作  
如是觀尻輪倏週屆經塗發清謳矯首八荒臨

將由温州至台州過雁蕩山前一日宿芙蓉村

阮元儀徵人

一行分兩戒其商極雁蕩重壓沙海頭險扼東甌吮永  
嘉山水滋康樂尤清放度嶺惟斤竹緣溪阻脩嶂天地

惜靈秀不易使人徇及其終難秘疏鑿任靈匠已勒大  
通碑更示詎那相坡公游山分去聲生平頗自仗唯以詩  
酬圖未足供跌宕龍湫百二峰吾耳久知狀竊疑形容  
者奇幻言或妄今年渡甌江温台落掌上瑤嶺據海滙  
風潮午初漲篋輿厲石梁足底走鹹浪晚程猶未歇茲  
山已入望情隨嵐氣清心與飛雲壯且投村屋宿行李  
聊拊擋吾徒侈清游一飯若轉餉損之又損之力勞已  
莫償惟願明朝晴風谷動清曠同行若歸雁斜向峰頭  
掠懸知今夜夢先愛山靈眠

廣雁蕩山誌

卷十八

藝文

詩

二

曉過四十九盤嶺至龍仁寺

曉程將向之四十九盤嶺嶺高盤愈仄曲折緣脩縵肩  
輿未及上相顧色已警淩緬惑回綫心怯息尤屏平生  
磊落懷到此不敢騁既登丹嶂高坐見海天永白雪逼  
潮聲初陽生樹影越嶺下西谷倏忽關靈境奇變出恒  
情震蕩不自省行行至招提幽籟泛虛靜中慄既已平  
嵐重衣裳冷

曉發芙蓉村

端木國瑚

青田人

飛翠失空山游夢兀然醒人語夜堂深簾白燈猶炯寒

燠戒衣裝共取芙蓉徑綠樹脫蒼烟遠媚溪光靜鳩啼  
雨後聲山認雲邊影村引綠陰高翠度香風永雁峰落  
何處四十九盤嶺

由芙蓉村歷四十九盤抵能仁寺

曾熙承嘉人

一宿芙蓉村繡谷晚如織游夢落空山飄舉何氣力山  
禽曉來啼招我如相識靈境無恒蹊到眼卽秀特林密  
路乍通峰迴徑似塞澹雲蕩天風修嶺路劣窮陡轉礙  
崖崑紆折出荆棘既躡七七盤高與蔚藍逼蓬瀛渺何  
許茫茫辨海色摘勝心甫怡屢險神反惑誰人打暮鐘  
廣雁蕩山誌卷十八藝文詩  
頽陽西嶺匿花宮蔽蒼靄此是衆香國半偈空諸緣一  
龕佛火黑

讀先伯祖近堂先生所輯廣雁蕩山誌曾佩雲承嘉

大力遣五丁靈區闢荒壤平生謝客兒看山屐幾兩咫  
尺隔丹梯良用增悼快隋書久失傳梁碑棄榛莽後來  
事編輯草創寡搜攘抱缺而守遺故帚聊自享吾家職  
松丞雅量夙宏獎先生曾輯東顧詩存及明文漱玉集蠟屐屢登臨圖經  
更寫做疑似考訂嚴什伯收羅廣芙蓉百一峯一囊

眞賞持餉眉山髯溫台落我掌

